



HYSBYSIAD PREIFATRWYDD

GWASANAETH TALIADAU UNIONGYRCHOL AR GYFER DEFNYDDWYR GWASANAETHAU A CHYNORTHWYWYR PERSONOL (LLE Y BO'N BERTHNASOL)

Mae'r hysbysiad preifatrwydd hwn yn ymdrin â sut y bydd Cyngor Sir Penfro (fel Rheolwr Data) yn casglu, defnyddio a rhannu eich data personol at ddibenion cynnal y Gwasanaeth Taliadau Uniongyrchol sy'n caniatáu i chi, y Defnyddiwr Gwasanaethau, gael arian gan y Gwasanaethau Cymdeithasol i'ch galluogi i fodloni eich anghenion asessedig fel y dymunwch.

Pam mae arnom angen eich gwybodaeth (diben prosesu)

Rydym yn casglu ac yn defnyddio eich gwybodaeth bersonol fel y gallwn:

Roi gwybod i chi, y **Defnyddiwr Gwasanaethau**, faint y bydd angen i chi ei gyfrannu'n ariannol a faint y bydd yr Awdurdod yn ei gyfrannu tuag at gostau eich gofal. Bydd hyn yn eich galluogi i gael digon o arian i brynu eich gofal eich hun.

Pan fydd y Defnyddiwr Gwasanaethau yn dewis penodi **Cynorthwy-ydd Personol**, byddwn yn casglu ac yn defnyddio eich gwybodaeth fel ymgeisydd am swydd Cynorthwy-ydd Personol, ac os cewch eich penodi, fel y gallwn:

- brosesu eich data personol fel ymgeisydd am swydd Cynorthwy-ydd Personol, gan ganiatáu i ni reoli'r broses recriwtio
- gwneud taliadau i chi bob 4 wythnos os cewch eich penodi'n Gynorthwy-ydd Personol dan gontract i 'Ddefnyddiwr Gwasanaethau'.

Bydd y wybodaeth a roddwch, naill ai fel **Defnyddiwr Gwasanaethau** neu ymgeisydd am swydd **Cynorthwy-ydd Personol**, yn cael ei phrosesu yn unol â Rheoliad Cyffredinol ar Ddiogelu Data y Deyrnas Unedig, Deddf Diogelu Data 2018 a Deddf Gwasanaethau Cymdeithasol a Llesiant (Cymru) 2014 a'r ddeddfwriaeth berthnasol sy'n cael ei chwmpasu gan y Ddeddf hon. Yn ogystal, mae data sy'n ymwneud â Throseddau ac Euogfarnau Troseddol yn cael ei brosesu yn unol â Gwiriadau'r Gwasanaeth Datgelu a Gwahardd: Arweiniad i Gyflogwyr a Gorchymyn (Eithriadau) 1975 Deddf Adsefydlu Troseddwy 1974 – Atodlen 1: Rhan 2: Adran 12.

Yn ogystal, byddwn yn gwneud unrhyw ddatgeliadau sy'n ofynnol yn ôl y gyfraith ac efallai byddwn hefyd yn rhannu'r wybodaeth hon gyda chyrrff eraill sy'n gyfrifol am ganfod/atal twyll/troseddau neu archwilio/gweinyddu arian cyhoeddus er mwyn sicrhau bod arian yn cael ei dargedu a'i wario yn y ffordd fwyaf priodol a chost effeithiol. I gyflawni hyn, bydd gwybodaeth yn cael ei rhannu gyda'n Gwasanaeth Archwilio yng Nghyngor Sir Penfro a chydag Archwilydd Cyffredinol Cymru.

Ni fyddwn yn gwneud unrhyw ddatgeliadau i drydydd partion at ddibenion marchnata.

Bydd eich data'n cael ei gadw'n ddiogel ac yn gyfrinachol bob amser, a byddwn ond yn casglu'r wybodaeth bersonol sy'n ofynnol i ddarparu ein gwasanaeth i chi.

Pa ddata personol sy'n cael ei gasglu?

Dyma'r categorïau data personol sy'n cael eu casglu:

Defnyddiwr Gwasanaethau	Cynorthwy-ydd Personol (Fel Ymgeisydd a/neu os caiff ei Benodi)
<ul style="list-style-type: none"> • Enw • Cyfeiriad a chod post • Cyfeiriad e-bost • Rhifau ffôn • Dyddiad geni • Manylion Banc <p>Fel Defnyddiwr Gwasanaethau, bydd rhywfaint o ddata yn ymwneud â'ch anghenion gofal ac ariannol wedi cael ei gasglu eisoes yn rhan o'r broses asesu. Ymdrinnir â hyn gan yr Hysbysiad Preifatrwydd Gofal Cymdeithasol cyfredol.</p>	<ul style="list-style-type: none"> • Enw • Cyfeiriad a chod post • Cyfeiriad e-bost • Rhifau ffôn • Dyddiad geni • Rhif Yswiriant Gwladol • Rhif Gwasanaeth Datgelu a Gwahardd (DBS) • Manylion Banc (os oes gan eich cyflogwr Gyfrif Banc Taliadau Uniongyrchol a Reolir) • Hyfforddiant / Cymwysterau / Cofrestrïadau Proffesiynol • Hanes cyflogaeth • Efallai byddwn hefyd yn casglu data personol amdanoch gan drydydd partïon, fel geirdaon a gyflenwir gan gyn-gyflogwyr. • Iaith gyntaf • Unrhyw euogfarnau troseddol • Gwybodaeth am eich hawl i weithio yn y Deyrnas Unedig • Eich dogfennau adnabod, gan gynnwys pasbort a thrwydded yrru, a gwybodaeth yn ymwneud â'ch statws mewnfudo a'ch hawl i weithio i ni. <p>Yn rhan o'i weithdrefn fetio cyflogeion, mae gan y Cyngor, yn rhinwedd ei statws fel Corff Cofrestredig, fynediad, lle y bo'n briodol, at wybodaeth am gofnodion troseddol trwy'r Gwasanaeth Datgelu a Gwahardd (DBS). Mae'r DBS yn bodoli i alluogi sefydliadau i wneud penderfyniadau recriwtio diogel. Mae manylion ar gael yn y Datganiad Polisi ar Recriwtio Cyn-droseddwyr</p>

Beth yw ein sail gyfreithlon dros brosesu'ch data personol?

Mae Rheoliad Cyffredinol ar Ddiogelu Data (GDPR) y Deyrnas Unedig yn mynnu bod amodau penodol yn cael eu bodloni i sicrhau bod eich data personol yn cael ei brosesu'n gyfreithlon. Dyma'r amodau perthnasol hyn:

- Erthygl 6 (1)(e) Tasg gyhoeddus: mae'r prosesu'n angenrheidiol er mwyn i chi gyflawni tasg er budd y cyhoedd neu ar gyfer eich swyddogaethau swyddogol, ac mae gan y dasg neu'r swyddogaeth sail glir yn y gyfraith, fel y rhestrir uchod.

- Erthygl 6 (1)(b) Contract: mae'r prosesu'n angenrheidiol ar gyfer contract sydd gennych gyda'r unigolyn, neu oherwydd ei fod wedi gofyn i chi gymryd camau penodol cyn llunio contract.

Gyda phwy y byddwn yn rhannu eich gwybodaeth?

Mae'n bosibl y bydd angen i ni rannu eich data personol gydag adrannau mewnol, sefydliadau eraill a thrydydd partïon. Bydd hyn yn cynnwys:-

Defnyddiwr Gwasanaethau	Cynorthwy-ydd Personol (Fel Ymgeisydd a/neu os caiff ei Benodi)
<ul style="list-style-type: none"> • Systemau TG Cyngor Sir Penfro (gan gynnwys e-bost, Carefirst) • System Diverse Cymru yn rhan o'n perthynas prosesydd data. 	<ul style="list-style-type: none"> • Systemau TG Cyngor Sir Penfro (gan gynnwys e-bost, Carefirst, systemau rheoli adnoddau dynol) • System Diverse Cymru yn rhan o'n perthynas prosesydd data. • Eich darparwr pensiwn preifat • Cyllid a Thollau Ei Mawrhydi (HMRC)

Mae gan Gyngor Sir Penfro ddyletswydd i ddiogelu'r arian cyhoeddus y mae'n ei reoli. Felly, mae'n bosibl y bydd y wybodaeth a roddoch i ni yn cael ei defnyddio i atal a chanfod twyll ac at ddibenion archwilio mewnol ac allanol.

Bydd y wybodaeth bersonol a gasglom gennych yn cael ei rhannu gydag asiantaethau atal twyll a fydd yn ei defnyddio i atal gwyngalchu arian ac i gadarnhau pwy ydych. Os canfyddir twyll, efallai y gwrthodir rhai gwasanaethau, cyllid, neu gyflogaeth i chi. Mae rhagor o fanylion am sut y bydd eich gwybodaeth yn cael ei defnyddio gennym ni a chan yr asiantaethau atal twyll hyn, a gwybodaeth am eich hawliau diogelu data, ar gael trwy fynd i <https://www.cifas.org.uk/fp>.

Am ba mor hir y byddwn yn cadw'ch gwybodaeth?

Bydd Cyngor Sir Penfro yn cadw eich gwybodaeth am gyn hired ag sydd angen yn unig. Byddwn yn cadw'r wybodaeth a roddwyd i ni am y cyfnodau a nodir isod a bydd eich gwybodaeth yn cael ei gwaredu'n ddiogel pan na fydd ei hangen mwyach.

Defnyddiwr Gwasanaethau	Cynorthwy-ydd Personol (Fel Ymgeisydd a/neu os caiff ei Benodi)
<ul style="list-style-type: none"> • 10 mlynedd ar ôl y cyswllt olaf ar gyfer proses sy'n cynnwys asesu a darparu cymorth neu wasanaethau unigol neu • 20 mlynedd ar ôl y cyswllt olaf (neu 8 mlynedd ar ôl dyddiad marwolaeth, pa un bynnag sy'n digwydd gyntaf) ar gyfer proses sy'n cynnwys asesu a darparu cymorth unigol i bobl â salwch meddwl (pobl sydd ag "anhwylder meddwl"). 	<ul style="list-style-type: none"> • 7 mis ar ôl diwedd y broses recriwtio berthnasol i'w ystyried ar gyfer cyfleoedd cyflogaeth yn y dyfodol (os bu'n aflwyddiannus yn y broses recriwtio). • 7 mlynedd ar gyfer unrhyw gofnodion ariannol sy'n ymwneud â'r gyflogres ar gyfer HMRC a Phensiynau.

Eich Hawliau

O dan Reoliad Cyffredinol ar Ddiogelu Data y Deyrnas Unedig a Deddf Diogelu Data 2018, mae gennych hawliau fel unigolyn, gan gynnwys:

- Yr hawl i **Gywiro** – mae gennych yr hawl i ofyn i'ch gwybodaeth gael ei chywiro.
- Gallai'r hawl i **Gyfyngu** ar brosesu fod yn berthnasol – cewch ofyn i ni roi'r gorau i brosesu eich data personol, ond gallai hyn achosi oedi wrth ddarparu gwasanaeth i chi neu ein hatal rhag ei ddarparu i chi. Ceisiwn gydymffurfio â'ch cais, ond efallai y bydd rhaid i ni ddal neu brosesu gwybodaeth i gydymffurfio â'n dyletswyddau cyfreithiol.
- Yr hawl i **Wrthwynebu** – nid yw hyn yn hawl absoliwt a bydd yn dibynnu ar y rheswm dros brosesu'ch gwybodaeth bersonol.
- Hawl **Mynediad** – mae gennych yr hawl i ofyn i ni am gopiâu o'ch data personol. I wneud cais, cysylltwch â'r canlynol:
Mynediad at Gofnodion
Cyngor Sir Penfro
Neuadd y Sir
Hwlfordd
SA61 1TP
E-bost: accesstorecords@pembrokeshire.gov.uk Rhif ffôn: 01437 775798

Cwynion neu Ymholiadau

Mae Cyngor Sir Penfro yn ymdrechu i gyrraedd y safonau uchaf wrth gasglu a defnyddio gwybodaeth bersonol. Am y rheswm hwn, rydym yn ystyried unrhyw gwynion a dderbyniwn ynglŷn â hyn o ddirif. Anogwn bobl i roi gwybod i ni os ydynt yn credu bod ein dulliau o gasglu neu ddefnyddio gwybodaeth yn annheg, yn gamarweiniol neu'n amhriodol.

Nid yw'r hysbysiad preifatrwydd hwn yn rhoi manylion cynhwysfawr am bob agwedd ar ein dulliau o gasglu a defnyddio gwybodaeth bersonol. Fodd bynnag, byddwn yn falch o roi unrhyw wybodaeth neu esboniad ychwanegol sy'n angenrheidiol. Dylai unrhyw geisiadau o'r fath gael eu cyfeirio at y canlynol:

Jo Hendy, Swyddog Diogelu Data
Cyngor Sir Penfro
Neuadd y Sir
Hwlfordd
SA61 1TP

E-bost: dataprotection@pembrokeshire.gov.uk

Rhif ffôn: 01437 764551

Os hoffech gwyno am y ffordd rydym wedi prosesu'ch gwybodaeth bersonol, gallwch gysylltu â Swyddfa'r Comisiynydd Gwybodaeth, sef y corff statudol sy'n goruchwylio'r gyfraith diogelu data:

Swyddfa'r Comisiynydd Gwybodaeth
Wycliffe House
Water Lane

Wilmslow
SK9 5AF
E-bost: wales@ico.org.uk Rhif ffôn: 0303 123 1113

Dyma ein Manylion Cyswllt fel Rheolwr Data:

Cyngor Sir Penfro
Neuadd y Sir
Hwlfordd
Sir Benfro
SA61 1TP

E-bost: enquiries@pembrokeshire.gov.uk Rhif ffôn: 01437 764551

Rhoddir manylion ein Swyddog Diogelu Data yn yr adran uchod ar Gwynion ac Ymholiadau.

Newidiadau i'r hysbysiad preifatrwydd hwn

Rydym yn adolygu ein hysbysiad preifatrwydd yn rheolaidd.